

棟

亭

詩

鈔

棟亭詩鈔目錄

卷七

滁州清流關道中

涑水

唐縣開元寺

中臺

栗花歌

栗花栗樹所產菌其大逾常不時見偃蓋  
七重色紺赤友人云即紫芝因戲爲此歌

麥炒

石花魚

鯉啖石花而肥故名

途次折杏花置輿中懷廣陵諸子

故友吳炯雪篷有句云拍拍出巢鳥青青橫  
郭山居嘗諷誦不忘雪篷亡後全稿散失  
殆盡懼其湮沒不傳曉發中山爲之卒成  
八句

舍騎至韓莊登舟

順風宿遷有述

和同人東村招飲見懷三首

逸園新戢聞其東村之勝與客潛訪反值泥  
飲戲拈柳字用少陵韻

竹村大理筵上食石首魚作

雨中李使君餉浙東薏苡酒戲成二首

鱖魚

浮石山歌

赤霞拾浮石琅琊作小山一區貯水砌間  
已丑十一月大雪行軒過滁飯我索詩庚  
寅三月補作此歌

睡起

歸舟

漁灣夜歸憶子猷弟句悽然有作

避熱

今歲入秋旱熱尤甚客有責予不亟荅拜者於是囑閹者以病辭三日隨事有詩若干存十首統名之曰避熱示所因也

阻風燕磯

重題晚研跋後兼傷南洲

兩城諸子合飲醉甚醒後聞雪作憶晚研先生獨宿南園重申前意代簡三首

賦得貧家月不貧戲荅冷齋

早春泛舟至平山堂分韻

東園看梅戲爲俚句八首

方園梅殘樓前小酌限韻

題徐文長墨芭蕉圖

納涼過杏園食筍

香阜寺種菩提子應時發芽賦以志喜

主僧索詩復題一首

喜雨與幕友分韻期諸子不至

題彭蠡秋帆圖和阮亭

題馬湘蘭畫蘭長卷

再疊前韻

卷末一叢無葉孝虔世兄云宣城山中產蘭  
冬爲樵人芟去春來發箭多類此不知香  
閣中何以知此荒寒色象也竊有感焉三

疊前韻

冶堂製鮒見貽率賦三絕

馴鷺亭放舟

再過鄭氏江村

東田詩

有序

題三友圖

有序

辛卯孟冬四日金氏甥攜許鎮帥家伶見過  
聞樂也閤坐塞默胡盧而已至雙文燒香  
曲聞有囉哩唵句記董解元西廂曾有之  
問之良然爲之哄堂老子不獨解禽言兼  
通蛇語矣漫識一絕句

真州西軒行藥念俊三病書此代問時將歸  
金陵

期卓子任不至

塔灣舟中曉起



飯後望隔江諸山

放舟瓜渚看月

小雪前一日石馬橋回船與又昭東田序皇

植夫分韻

過樸鎮有懷王允文北試不歸

月上歸至西軒

冬蘭

睡適

堞亭詩

爲植夫作

蓼齋過西軒

娑羅樹歌

有序

半軒至真州舟次即事二首

瓶中月季花戲題

寄題東園八首

留別西軒

棟亭詩鈔卷七

千山曹寅子清撰

滁州清流關道中

雙輪輾殘雪行過西澗西  
空梁咽寒溜遶岸饑雅啼  
歲時念豐樂人事難遽齊  
飄蕭道周草委積溝中泥  
坡陀倦升陟蹭蹬愁攀躋  
舉首望雲松連山接幽棲  
世遠餘烈泯年荒宿靄淒  
衰齒謝五欲名理忘筌蹄  
解鞅近百里詰旦聽鳴雞

涑水

涑水碧於染冰坻半載陽  
世農餘稻長溝堰似江

鄉小肆筍清醪

凍酒味勝易酒京師所酷苦釀皆倣釀

殘山遺紫涼

紫涼水陽山也

嚮時逐飛放

舊置有飛放泊

零落少年塲

### 唐縣開元寺

開元寺古北平西石子嶢嶢谿馬蹄紺殿盡頽花

亦萎更誰墻缺補春泥

昔與亡友鄭令看牡丹此寺

### 中臺

五臺勢連峙峪口森崐崘琳宮娑羅樹布地金蓮  
花清暘晃雪嶺寶網紛交拏修羅歛指臂神龍護  
袈裟冰崖木皮厚四月麥始芽道力苟不堅白骨  
橫撐义吾聞毘嵐風歷劫過河沙茲山具成壞世

說徒虛夸別峰訪德雲  
蹶然樹齒牙出語一無多  
共淪園中茶松門多虎跡  
穩駕青牛車

二十八年  
前見白雲  
長老于此

### 栗花歌

栗花栗樹所產菌其大逾常不時見偃  
蓋七重色紺赤友人云即紫芝因戲爲  
此歌

栗樹生深山壽與松柏偕垂根下泉觸雷火  
砅然腹破空洞藏風埃朝吸雲英暮石髓得氣  
屈強長不死鬱爲千芝繆結成樓臺其上輪囷  
郁弗紫霞起我欲采山無斧斤中道相逢負苓  
子示我一本

持之可以辟虎虺笑我顛童齒豁無能謝塵事上  
黨五稔劬已盡西崖菟竹不堪餌天花銀盤充庖  
厨漫山驚裙鴨脚庸材耳子亦知張子房托跡從  
赤松當前竟失東園公螢光流輝燭天地服食肯  
與山癯同圖經果載鍊骨法來日芒鞋竭蹶直入  
巉岼中

麥炒

油瞿焙磨出僧家細糝紅鹽滴乳花幙外千峰矗  
寒月也應一餽勝胡麻

此地皆食  
藤菰油

石花魚

鯉啖石花而肥故名

唐貢稱遼魴俗謠著洛鯉初嘗石花魚入饌果腴  
美墨鱗三十六聚族穴懸水啖花泳清晨一網連  
數尾貴重走京師珍裹餉朝士賡者雖豐龐風味  
那足比濁流經竒嵐龍門下千里曝腮恥凡鱗神  
物豈皆是楚人不食鱠瘦瘠亦堪鄙膏肥多殺身  
書勗紈袴子

途次折杏花置輿中懷廣陵諸子

莫逐飄風委路塵殘香剩好墮車茵二年春雨紅  
橋岸可少支牀弄笛人

故友吳炯雪篷有句云拍拍出巢鳥青青  
橫郭山居嘗諷誦不忘雪篷亡後全稿  
散失殆盡懼其湮沒不傳曉發中山爲  
之卒成八句

月落不相待雞鳴初啟關好詩哦夢裏真景在人  
間拍拍出巢鳥青青橫郭山與誰參活句困頓亦  
衰顏

舍騎至韓莊登舟

嶧鳬春色半陰晴蠶尾餘波管送迎馬背逢人說  
寒食船頭插柳記清明老嫺鞭弭知岐路行邁烟



花次水程笑理長篙向東海餘年真喜脚腰輕

順風宿遷有述

一雨澄湖勢決潏  
牖前碧浪鱗鱗長  
石尤尤客太  
遄歸徹夜顛掀吹  
五兩老客不愁支  
枕臥萬事無  
如隨分過篷窗  
已白旗脚伸孤檣  
未樹春雲破起  
柁斯須三百里  
長年兀坐篙師喜  
滿眼荒灘拾甕  
人誰知昨日揚舲  
子平生道路無車  
舟雨虐風欺  
到白頭紛紛儘讓  
千帆去指點公猶  
上驛樓

和同人東村招飲見懷三首

相見亦無事江梅已過花  
淹留問行李泛濫阻塗

苴久別字成弓一分春到家可堪餘瑁璫斟酌待  
流霞

冰雪榆關夢幽天急奏書一年遲落雁萬里奉周  
廬老傍期門隊歸乘使者車南轅兼北轍筋力竟  
何如

飼雀編新柴觀魚築舊梁不通騎馬客中隱讀書  
堂上日題襟數并州舉策長屬詞知後勁有分寄  
滄浪

逸園新戢聞其東村之勝與客潛訪反值  
泥飲戲拈柳字用少陵韻

春郊襲餘寒霽色已搖柳軋軋坂上車兀兀卯時  
酒東風不肯住花事亦何有邁眼青蒼間相見各  
招手擔夫先宿迎童子候門久人生無百齡一笑  
長不朽水上鵠未去中園鹿還走鶴在二鹿已去詎識角里  
翁恒樂此間否土人稱角里村地志未詳淮南蠶月近魚麥利可取  
今年聞復租流澤徧黔首耕漁兼一身藜藿且充  
口更起息寒暄桑榆日平酉緣坡望焦圖沿流問  
牛叟即徑雖多岐躋勝在弓肘竭來搆瓜廬展席  
集老醜牀頭罄醇醪那復計升斗

竹村大理筵上食石首魚作

精衛銜石不滿海化爲石鯨隨春潮潮聲淵淵震  
曙鼓巨絙一網千吳舫有情未入粗段食首尾雜  
錯金銀色老眼愁看富貴花時邀看城西牡  
并值雨不果行病軀思啖  
呵黎勒冰泮遠薦鏐作盆使君杯滴眞珠醇滿堂  
大嚼笑烏有坐中饕餮皆詩人維時櫻筍尚酸澀  
健櫓長扳勞置驛頓飯區區醉飽深囑牛列鼎眞  
何益謂君口腹無終極春光過眼應同惜門外江  
船行且歸君不見昨夜南風吹紫雪

雨中李使君餉浙東薏苡酒戲成二首  
一具春槽十斛珠粟留枝上喚提壺永嘉別調應

誰賞自笑高陽獨鄙夫

麴部壽張亂典型擬教甘石換茶星此行悉受神

農法細向中山註酒經

本草云服薏苡三斗已妬

鮓魚

手攬千絲一笑空夜潮曾識上魚風泔泔江雨熟

梅子黯黯春山啼郭公三月齏鹽無次第五湖蝦

菜例雷同尋常家食隨時節多半含桃注頰紅

鮓初

至者名頭鰕次名櫻桃紅子向充貢使今停罷十年矣

浮石山歌

赤霞拾浮石琅琊作小山一區貯水砌

間已丑十一月大雪行軒過滌飯我索  
詩庚寅三月補作此歌

春沙演漾粘魚衣風泉陶鑄工用微何年山意兩  
纏結搏成一片青崔巍盆池磊砢不常見乍來几  
榻供清玩局促壺中小有天幾曾親識琅琊面閒  
人耐閒閒始得窗空自補西陵色油囊滿貯鍾阜  
雲冬程先集我嶠雪皴摹底本師荆關引水殊勝  
木假山夜半那憂負持去日長笑望烟飛還滄波  
煦沫浮礁起上有遨遊列仙子開櫳豁眼是蓬萊  
可憐亦在漚泡裏簣土真誇九仞成閉戶初無推

斧聲的許山中弄泉手移下青天虛翠屏寸毛尺  
木森長養駱駝結坐空凝想耳外長存太古音四  
圍何必捶琴響跢跢吟成江雨來黍雞翻憶隔年  
杯故園千里足歸興白石峻嶒漫碧苔

睡起

漠漠桐花蜜主聲葦簾自下午風輕日長可有不  
釐務一字香銷心太平

歸舟

不見西灘白鷺鷥水花風激草差差一篙又送漁  
菴去恰趁歸牛浮鼻時

螢火光中望小平  
漣漪相就夜波明  
何如華子岡頭路  
五里江村吠蛤聲

漁灣夜歸憶子猷弟句悽然有作

水動漁舟出

子猷句

題詩人已無荒堤溯涼月蒿目

歎懸珠估子夜吹笛篙師行唱于白頭更何好踪  
跡浪江湖

避熱

今歲入秋旱熱尤甚客有責予不亟答  
拜者於是囑閤者以病辭三日隨事有  
詩若干存十首統名之曰避熱示所因



也

白汗翻漿午不收老夫乘熱減交遊豈無善友能  
調病或有佳人可賦愁暍死不堪酬惡札袒衣偶  
一接名流畫檐蟬雀紛紛鬧昨夜梧桐報早秋

青溪野客半扶筇豆莢瓜腴興畧同絕口不談門  
外事舉杯唯愛柳邊風塵埃行識天隨子鄉里咸  
呼耐得翁莫向烏衣尋社燕舊家門巷盡簾櫳

戲用

荆公語

老樹依鄰正夕曛風翻青子墮堦聞地閒是木多  
奇壽天迥非時見紫雲佩筆六番充侍從籌更五

夜坐將軍祇今草碧灤京路夢繞龍媒萬馬羣

銀杏

石棋枰穩不妨眠萬卷親看手自編老境從君嬉

墨海宦游如我悞華顛非干李蔡居中下未許曹

劉在上前他日一瓶重命酒願回三舍倒戈鋌

孫冷

齋好奕時編  
書目將成

一葉秋蘭一箭花當門休怨直如麻

見辛氏  
倚蘭操

無媒徑

路生憔悴有類江離別等差世味何如湘水淡物

情翻向楚人誇素心我亦頻陶寫愁對西風護碧

紗

盆蘭

伏盡炎燬勢未回堦前一月絕莓苔融風轉入西

南劇好雨還從東北來吳楚氣交山漸暗星河芒  
動曉全開可知涓滴爭多少空殷澄江子夜雷

伏退

忽憶茅齋隔楚陽滿灘新竹水浪浪回船酒醒月  
初上別浦潮來山更蒼稚子尚能歌款乃先生曾

爲啟洪荒

前有盤古山

三年忝號閒家長賸帶真州一味

涼

憶漁灣

柳下風來賀若邊匡牀相對意翛然晝涼樹亦通  
琴話井近階長灑石泉操縵十年無故指解囊昨  
日上新絃仰眠一曲猶能否欲送微音入海天

柳下

聞王禹服  
服彈琴

一句詩成萬口吟  
秋風纔起寂無音  
直饒蟲鳥能知感  
也覺鉛華苦累心  
湖海又聞收赤幟

竹垞去  
年下世

巖

廊誰合鑄黃金  
後生莫更多謠詠  
不是娥眉妬不

深

讀巖  
尾集

瀛國兒材未足譏  
溫公再繼斬孫枝  
春秋霜露天何慘  
道義文章世反疑  
窮達豈關身命事  
死生羸得巷人悲  
從來痛極偏無淚  
哭向東雲立每癡

哭忍

修  
齋編

### 阻風燕磯

小雪先零雨  
漁船半上磯  
白閒三日臥  
清絕一鴻

飛地僻江乘舊關寒客隊稀東風攪離緒更放幾時威

重題晚研跋後兼傷南洲

懊儂賦就十分奇子夜聲雙變亦宜塗抹東園舊情事寒窗然斷白髯髭

勘到維摩第幾禪摩登鹿女迥茫然多生病惱隨

緣去任遣飛花着那邊

來句云別具人天眼

酒邊花外打乖人劫後剛回一線春我是分司狂

御史不才長罰作官身

跋用晦翁評放翁語故云

招招紅袖玉山頽此日重看臘序催零落西軒老

棉樹偏轅不見打牛來

兩城諸子合飲醉甚醒後聞雪作憶晚研

先生獨宿南園重申前意代簡三首

酒渴風饕漏向殘重幃也較五分寒不知橫雪南園上壓損琅玕幾百竿

寒威愁和睡眠音起舞誰彈座上琴還熱茶烟破

岑寂紅爐灰陷雪花深

聞閨華嚴經

鞠部清詞付小伶自調蘆管鬪燈熒檀車亦未妨  
泥滓待掃庭鹽浣玉餅

賦得貧家月不貧戲荅冷齋

貧家月不貧家月與山鄰凍合後湖水清無幕府  
塵茅齋新蓋雪米桶舊生春何事憎寒儉詩肩聳  
未伸

貧家月不貧貧月轉相親四壁尚爲累孤懷誰與  
論有窗張白彩無寐到蕭晨莫作凡情看惺惚屬  
冷人

早春泛舟至平山堂分韻

遨頭吟興未嫌勞城脚淮流綠滿壕恰趁揚人看  
新水紅橋正月上輕舸

柳條風勁尚無塵誰築漁莊作近隣笑指林臯簇

鞍馬早梅空賺路旁人

倚天闌檻極空明  
吳楚風烟畫不成  
漱罷寒泉無一語  
竹輿歸去有鐘聲

東園看梅戲爲俚句八首

二月一日

飛飛靈鵲聲強起  
試春行不是昨朝雨  
肩輿嬾出城

肩輿去何所  
東園古流水  
今日不來看  
陌上紅塵起

陌上綠還淺  
園中草欲萋  
尋常叉手處  
只過小亭西



小亭背夕陽坐久發花光消盡經時曉東風滿院

香

時小憩  
榻前

東風清向曉無賴亦黃昏此夜江邊月纖纖正返  
魂

纖纖方酌月淊淊復添衣莫拘芳條去先生絮帽  
歸

先生遊不時潛出春已半笑倒路旁兒花時燈火  
亂

花時逐春尾花事競春頭賸取看花眼浮嵐望五  
州

方園梅殘樓前小酌限韻

西齋飲亡何景會猝難遇忽憶梅花嶺迤邐北園  
去光風拂衆草急賞時已趣好枝殘亦佳飛片舞  
還聚長期歲寒人子墨表真素創爲登樓吟一瓊  
洗萬慮塵土多厚顏妙色不久駐誰能發清歌振  
激夕陽處此地非豪家曠放無十步翠羽招不下  
老雀剪其翦何時小茅亭相並作隣圃槎枒結風  
香更種幾百樹

題徐文長墨芭蕉圖

時病耳鳴

湘管齋中幾斛墨灑向紅塵收不得當場快絕玉

茗翁回頭金紫無顏色  
瓶花慘淡存知己  
失路天  
仍慳一死長看餘  
巧住人間生意婆娑  
靈樹子冬  
爛芭蕉春一芽  
隔牆自笑寒梅花  
圖中  
草成白鹿  
豈稱意  
倒行紫塞悲無家  
男兒執名究何用  
雲山  
一角空竒  
衰丹黃橫掃八十一萬夫  
誰敵此牛力  
曉來索索風簷聲  
跼壁靜偃雙荷  
鳴揀香重爲添  
新炷如抱長離海上行  
文長晚遇仙注參同契惟  
不解流珠章近入道藏

納涼過杏園食筍

修廊千步足經行  
待得茶烟過午清  
一餉竹風吹  
盹醒不知深樹睡  
流鶯

齏鹽了不異酸鹹風味聊蕭賸解饒笑語諸方叅  
玉版使君端爲脫春衫

香阜寺種菩提子應時發芽賦以志喜

九重封識出承明海寓遙占水土平寸草有心知  
帝力三時無害荷天成願乘初地春先到法異沙門  
種不生冠蓋祝釐全盛日遶林緇素轉經聲他處種皆不生

主僧索詩復題一首

萬里流沙過甬東天台遺植古今同加培不礙隨  
方土引灌長防寄命蟲高際梵天賢刳後即看菩  
果小欄中芘芻糞掃勤精進百八空持是此翁

喜雨與幕友分韻期諸子不至

四月雨如金先秋志喜深市橋泥沒骭官舍筍成  
林雅俗迄無事公私咸一吟倚門看二仲戴笠可  
相尋

題彭蠡秋帆圖和阮亭

彭蠡水中險匡廬天下幽浮生震澤夢潑眼官亭  
秋習習腋生羽茫茫浪白頭梅花洲幾點吾意待  
輕鷗

題馬湘蘭畫蘭長卷

叢蘭十二搖春影綠窗女郎酣睡醒婀娜一隊笑

東風綴葉栽花幽思冷月窟玄卿螺子筆麝煤胡

粉輕無迹不向西陵結藕心時傍雲堦掃寒碧

畫多

蘭竹合作此卷獨以十二叢見長

半龕繡佛離情早錦箋幾擘酬歡老

浪說因塵謫九天

鄭如英句

西家玉燕同衰草

朱泰玉趙今燕

冶

葉曾聞楊叛兒

楊婉容

物外風流王草衣可知名士

能傾國

見全遠事實

解道蛾眉不療饑紅粧運盡詩妖起

青樓倒入青溪水亘史仍餘季布名橫刀那見雄

兒死

見有學集

由來徵伎北爲家南部新聲間笛琶

明武

宗曾遊南苑今十番其遺樂也

一片荒園殘瓦礫只今高壠種烟花

舊院

產烟草價

倍於常

再疊前韻

雨荒橋堦波無影烏上白門啼不醒隴胡鼓出渭

城聲

梁伯龍句

耳畔鏗然金磬冷練裙橫抹胭脂筆

白練

裾劇爲屑赤水波及板旋削去

文苔印得春風迹秀輔千方粲曉烟

蛾眉幾簇分遙碧徐娘不道回身早何年髣髴歸

房老琢玉難求並命人菽香枉化空心草華髮玲

瓏白項兒那堪滴泪濕荷衣當時納錦成調笑

秋見

碧傳奇

此日零縑足慰饑粉窟後生誰繼起上春冠益

如流水躡步仍推巾幘雄數錢多傍牙郎死藏迷

賣笑說家家翻手爲琵琶覆手琵琶眼寒灰飛十紀

西窗落墨賞幽花

卷末一叢無葉施孝虔向言宣城山中產  
蘭冬爲樵人芟去春來發箭多類此不  
知香閣中何以知此荒寒色象也竊有  
感焉三疊前韻

楚宮夢破留餘影月地招魂香乍醒玉珮珊珊天  
外來露靄霏微肌骨冷掃眉才子閒拈筆杳冥思  
逐空山迹居然冰凌滿人間依稀剩得先春碧衛  
娘髮薄情來早可憐繡幕嬌藏老亦知曠劫歷塵  
沙年年芟刈同凡草刺促金多游冶兒一絲不挂



五銖衣猛揅紉結隨君葉誰掇英華問女飢多生  
慧業乘緣起我憶湘沅古流水粉墨休描沒骨人  
蒿萊枉歎當門死雕青攢綠滿豪家朱絃纔按索  
琵琶圖窮更演牢愁句第一東風腸斷花

冶堂製鮒見貽率賦三絕

子魚通印貴曾聞珍裏琴溪美不分笑語能詩蕭  
穎士包苴合餉武夷君

雀目新燔二寸魚加餐方法美家居客來不是羞  
盤飮案上纔攤獺祭書

湖煙漠漠草霏微鷗鷺聊蕭逐網飛常挂枯魚三

十番縱無蝦菜也忘歸

馴鷺亭放舟

枉策半尋詩西齋放卷遲柳黃泊船處山翠餉茶  
時隔岸無亭堠依人只鷺鷥美秋誰可賦魚鳥盡

成癡

梁范堅云秋爲萬寶告成之時宋玉悲之非  
是作美秋賦以正之賦不傳見石林詞註

再過鄭氏江村

越畛穿塍曲曲幽歲成田畷喜同遊晴山排嶂隱  
吳會荒堰夾河通楚州送日溪堂如過錦惱人鴉  
鵲不登樓一雙屐子那安頓漫上瓜丘說故丘  
徵入自號也堂予爲之易以冶鎔冶也期

於淬銳發芒而已既治堂之名爆四方  
慨然有歸隱之思將肆志於畝畝農者  
士之本反雕以樸秘身而藏用君子之  
樞機也爲之賦東田詩遂號曰東田云  
壯夫力耕鑿所冀活八口潭潭萬石莊秉釜復何  
取百計已坐成一名羞脛走反我舊茅茨敕彼新  
雞狗架上旣插書樽中復盈酒春程入東作耒耜  
徧南畝雖非義皇人亦稱康衢叟誰云七不堪倦  
矣三不朽

題三友圖

戊子年廣陵涂生貌晚研南洲與予爲  
三友圖竹垞翁來遲不及圖跋一詩其  
後云要知傅巖求蓋妬語也已丑冬竹  
垞下世庚寅南洲歿晚研謫歸辛卯真  
州出此圖披閱淚泣然下因書數語付  
冶堂此圖不足藏所惜者知己數點淚  
耳淚淚相接寧有已時學道尚可遲耶  
朱絃已摧斷寒泉亦泥漉吁嗟寄世人  
往歌但來哭真州酒船希鹽官筆花禿  
不知影與形寤寐伴  
幽獨

辛卯孟冬四日金氏甥攜許鎮帥家伶見  
過閩樂也間坐塞默胡盧而已至雙文  
燒香曲聞有囉哩噠句記董解元西廂  
曾有之問之良然爲之哄堂老子不獨  
解禽言兼通蛇語矣漫識一絕句

一拍么弦一和纏舞餘無復掃花鈿  
因郎漫縱哄堂笑摘耳猶聞囉哩噠

眞州西軒行藥念俊三病書此代問時將  
歸金陵

鬪茗軒前鬪藥苗支離愁問長卿瘠山荒五稜過

時貴夜迥雙荷不自聊

耳尚潮鳴不已

物役窮年咀草木歸

懷并日接賓僚漁菴一曲瀾瀾水不夢東風十五

橋

### 期卓子任不至

挂壁何時減藥囊籃輿閑煞好山光天遊可用仙

人杖煖老休投玉女牀晚節計成知息所少年吟

苦傍沙塲眼前蜃氣青紅見搖筆誰堪和白狼

集

五瓊海市  
諸詩特佳

### 塔灣舟中曉起

霜冷悞潮雞行窩養妙倪日高纔捲幔泥滑已沿

堤薄試溫臍粥香流陷齒壅羣峰正清峭呵筆謾  
荒題

飯後望隔江諸山

嬾送登臨目高摺近佛窗吳煙晴開掃霜草日紛  
厖遠映生微黛清哦試上腔年年浮小翼誰與涉  
寒江

放舟瓜渚看月

直南山齧齧水影亂檣竿清切半弓滿夷猶一櫂  
寒夜飛知雁苦人近諭鷗難小立添霜色疑乘白  
玉鸞

小雪前一日石馬橋回船與又昭東田序  
皇植夫分韻

蒿楫散叢麻紅纓罷使衙老夫舟是屋之子釣爲  
家歲穰餽餐美窗烘晷力加支忙宜素髮不用祝  
蒼華

過樸鎮有懷王允文北試不歸

清削西莊水齋舲遶岸均論歸多石友擲卦遇山  
父猶子能先長陳庭待大庖隋堤新柳樹大半是  
鳩巢

月上歸至西軒



紗帽倚船櫺歸鳬亂遠汀水邨開夜景寒靄聚山  
形燈出鑾江口詩成畫玉亭舟名誰知竹西月皓潔  
在莎廳

冬蘭

冬草漫寒碧幽蘭亦作花清如辟穀士瘦似琢詩  
家叢秀幾釵股頂分雙髻了夕窗香思發風影欲  
篝紗

檀心不綴露沙冷得秋乾宿葉看長健孤花笑轉  
難土風饒雅蒜客興寄衰蘭此即希聲曲應和白  
雪彈

睡適

燈影菊花深  
茶甘手自斟  
每於欹枕際  
時起入山心  
塵網何曾落  
仙源不用尋  
空憐五斗子  
糟粕到而今

東臯子亦號五斗先生

璞亭詩

爲植夫作

太常陳五玉  
充庭光陸離  
練時百祗肅  
罔雨不敢窺  
古器重瑚璉  
秉禮奉璋圭  
琤琒罔弗謐  
雜珮或襲之  
君子慎在璞  
教琢用恐違  
塞含遭固然  
巧末窮刀錐  
竊爲衆寶羞  
遂令山不輝  
有質溫而栗  
待沽已後期  
誰連十五城  
韞匱徒邦迷  
兀者爲之泣

墨者異所悲琅琅縣圃英亘野多瓌奇曾聞代陶  
甕構架施桁桷清榮燭蒼天下產不死芝我思巢  
其顛縱覽窮荒陞或言蒙汜東復限弱水西秣馬  
諒匪遠息駕良在茲願言集琳瑯母事修瑕玼

蓼齋過西軒

幕烏聲樂午廳閒坐襲南榮百慮刪炙背好來分  
盹味點胸久已滅詩斑山巾水韞勤邀客白葦黃  
茅嬾出關諸園主具舟相迎俱不赴憑藉溫顏極茗芋世間何事鬼  
神慳

娑羅樹歌

綺園有娑羅樹與世所植迥異葉如貞  
木花類爵杯結子垂囊剖之殷赤圓於  
相思子綺園少時以硯水浸其子輒生  
一株移植堦前三十年大已十拱辛卯  
冬以自圖仙花見貽邀我作詩聊紀一  
歌不能形其萬一也

曾讀北海娑羅碑聳身難即娑羅林娑羅妙響亦  
隱譬長脰疾走隨浮沈

見中阿含

俗言娑羅具衆德手

指寶月涵清陰老樗苦椿或假借好奇保愛如瑤  
琳綺園之珍母近是漫求字畫訛聲音四詩六義

貴比興嘉哉斯樹世所欽君家園對雲門岑豐樂  
水繞百尺深文魚千頭不受釣茅齋萬玉羅蕭森  
浮蒼映碧數十里猿猱曾莫窮高尋夏萼冬實自  
順序肯隨凡草參薊櫟聞君讀書清溪潯山蜂採  
香百鳥啗瓊珠剖囊印手赤墨池一宿根叢參瞻  
喬頰植豈天意至今合抱當嶠欽由來禎祥發豈  
悌誰云芨茁非人心我欲相從振芒屨凌空銜子  
煩仙禽黃山奇花見圖本朝天夢破驚寒碁天都  
有約不得往使我吭噪空謠吟

半軒至真州舟次即事二首

半軒長用半誰更樂其全不責經程士能安忍辱  
禪邀來牀有簾獨撫座無弦共歎滄江晚風雲徧  
眼前

漫啟山濤事時違貢禹心世情求畫旨官好得詩  
吟別號猗玗子閒遊祇樹林寶坊寺舊屬法護終須霖雨去  
未老慎抽簪

瓶中月季花戲題

時西軒寒甚欲雪

智瓊拍額未全黃洛女凌波尚渺茫恰似封姨憑  
薄怒一天冷韻到書堂

燕支帳外雪皚皚口嚼紅藍自抹腮笑煞吳兒弄

香粉凌兢那見折絲來

乞取飛瓊作侍兒老愁曼倩不能詩要知碧海成  
塵去難到霞渦褪淺時

繭糊房棱燕烏銀北地催花百樣新長記么紅多

骨鯁獨留金盞勸長春

此花火迫則焦金  
盞亦名長春花

誰向鴻荒琢月團好枝疑似鏡中看文思院裏千

絲繡羞入金瓶伴牡丹

宋繡有長  
春富貴圖

眩朱暈碧總難憑夢裏看花半是僧晴到小窗無  
限好瓦觚消盡一分冰

粉團嬌死刺撩衣十月羣紅出市稀一自亞西傳

露法漫山刮盡野薔薇

拾得瓊田幾片霞飛來毛女自無家三錢買筆休

論價描出隋宮滿樹花

揚州通草花酷肖

寄題東園八首

何以築斯堂婆娑蔭嘉樹置身丘壑間蕭散不出

戶迴風集羣英流覽暢玄度

其梧堂

川原淨遙衍縹影煙中樓澄江曳修練突兀露幾

丘推櫺納浩翠永日成淹留

八山樓

憑崖結新茅池水廓然碧有時泛詩瓢知汝共吟

癖蒙蓂散魚煙手弄秋月白

西池吟社



連稠積嘉穗臥隴收文瓜西成陳百寶滴酒生歡  
花誰夸拄斗金未抵焦穀芽

分喜亭

遙聽長在山幽聽不離水捲簾白日長揮簑清颺  
起時來垂釣人偶遇飯牛子

心聽軒

桃塢下多蹊三三別一徑花丁掃殘霞頃刻沒畦  
稜主人祝大年且喜少丹甌

西墅

支郎偏愛馬處士獨憐鶴飛行用故岐同賞入冲

漠西風警新巢羣起松子落

雀厂

白沙有漁庵角里有漁庵庵前活流水萬里通江  
潭中藏短尾鯉時達尺一函

漁菴

留別西軒

別興爲誰說來朝出曉庵夢蘭殘月盡情至一杯  
酣几榻空如寄雲山去不參長餘竹爐火相送到  
淮南

棟亭詩鈔目錄

卷八

軒前殘菊

掃竹上雪望諸同人不至

寓齋即事與諸同人夜話有懷晚研曾寓此

三年

可亭過訪即事口占

暢春苑張燈 賜宴歸舍恭紀四首

正月二十九日隨

駕入侍鹿苑二月初十日

陞辭南歸恭紀四首

南轅雜詩

雨寒書院小酌王竹村以餅肉相餉即事戲  
與元威雲村蓼齋已山璫亭吹萬共賦索  
竹村和用東坡集中韻

白杜鵑雌雄一雙江天御得自吳門索題漫  
賦四首

書院述事三十韻荅同人見投之作兼寄前  
詩局諸君及滙南于宮綺園

城西看牡丹四捷句

元威網菴送牡丹口占代柬

白杜鵑意謂聲似鷓鴣復題二詩正之

巫峽石歌

蓼齋餉麻酥笋豆鵝卵題三捷句志謝兼索  
數句爲笑

小遊仙十六首

和同人詠西軒柳

已山枉過西軒得又昭蓼齋書漫賦時東田  
先至

聞南軒書聲與蔗軒赤霞東田已山分韻有

懷書局諸子

桐陰

九夏將殘颭颭風至揚州西院校書偶題

商丘宋尚書寓近書院往來甚適漫志三首

且訂平山之遊

西軒

疾小已偶成

病疔諸子日夕撫視志感少愈當逐頭細書

以伸此意

棟亭詩鈔卷八

千山曹寅子清謨

軒前殘菊

豔豔秋將盡  
萋萋葉未零  
色衰渾藉紫  
露重自扶齡  
小憇登高步  
長開送客亭  
挹香來老伴  
清影半山屏

掃竹上雪望諸同人不至

雪壓軒前竹  
清晨自捲簾  
驚風瀉餘溜  
幽鳥聚深檐  
健起一庭碧  
浮膏半井甜  
只愁埋屐齒  
開道有長欵

寓齋即事與諸同人夜話有懷晚研曾寓

此三年

凌結銅蟾戢墨兵衰疲那競世間名糟衣一隊殘  
司局米汁三年老弟兄傳舍紛紜真畫西陶輪迴  
幹謾呼庚草玄亭下梅千顆可憶荒堦夏竹聲

晚研

自云家園有梅數千  
本歸築亭終老其間

可亭過訪即事口占

藥圃閒拋鶴背鋤親情還摘雪畦蔬殘年北去南  
來雁過日東流西上魚不急音書空泛泛乍寒淮  
水亦舒舒髭鬚白盡輸君健偃蹇時應稅鹿車



暢春苑張燈 賜宴歸舍恭紀四首

月路煙霄徹地澄上林春燦九華燈暖隨榆柳初  
傳火象衍魚龍漸泮冰閣外蒼山排玉笋盤中珍  
果薦窠綾蘭臺異數曾沾渥賦擬枚臯拙未能  
遐荒旃毳仰陶甄筐篚微忱切下臣憶祝

堯年書甲子重瞻玉曆紀壬辰狂收瀚海鯨鯢靖  
清潤瑤山草木新

上壽普天歌

聖孝生民同慶太平春

光浮太乙照千門徧召陽和布密

恩輦路餘磨敷細草籞闌分餉及中尊久慙衰病  
承貂珥乍眩青紅列只孫放仗幾家籠蜜炬緩歸  
騎馬月中村

風香繞路拂紅綃自擬長叅寄具寮湖滙萬泉清  
地紀春迴北斗見天標幸無鄰比喧腰鼓嬾逐游  
人上堍橋寶勒金鞍少年事祇應龕火伴幽寥

正月二十九日隨

駕入侍鹿苑二月初十日

陸辭南歸恭紀四首

雲影觚稜曙色開雞鳴問寢

大家來天長上苑應修禊節近中和已洊雷黼帳  
行開稍麥宴鑾輿高出晾鷹臺期門百隊龍旂後  
更有名王萬騎陪

喀爾喀厄魯德盡  
歸旗奉藩來朝

一層宮樹一層雲五柞長楊望不分舊屬欣飛能  
搏虎分番郎舍盡攻文濡毫乙夜酬封事列陞辛  
盤賜禁軍拖玉廿年空皓首衰殘何以報吾

君

府制精嚴備

聖朝漫言干戚靖三苗請看邊海車書會坐致蠻  
荒兵甲銷幾輔治繁須大尹殿庭宿衛有驃姚執

鞭敢奉周廬士又趁星槎萬里遙

盛京黑龍江浙江西  
安將軍俱同陸見

二月浮陽似水明紅門萬勒寂無聲地寒沙柳藏  
狐兔道僻村墟聚磨麋束髮舊曾充狗監彎弧中  
歲度龍城

宸游扈從期何日空檢丹黃註兩京

南轅雜詩

料石岡南窳堵波春城初傍紫泉河暫時也得掀

撓趣二月冰凌繞埭多

新城泛舟  
至白溝

瓦橋官柳嫩黃生魚麥鄉關倍引情惆悵殘年王

比部鬢毛憔悴庾蘭成

趙北口憶  
阮亭句

三栢野具椒花雨一領新縫白兔裘過酉那知風

伎倆油窗月晒枕東頭

宿任丘

七字吟酣可拔貧多生寒乞笑詩人金風亭裏金

針秘祇度凡夫證小身

題撫韻後

瀛州土瘠拙倡優笛鼓掀棚鬧不休想到來朝近

春社樗村煙壠正呼牛

乞活城西白草稍平原一派響鳴骹金弮玉勒無

停跡風捲寒沙上鳥巢

過河間大風少時曾游獵於此

龍額弓高莽聚灰房淵百里變蒿萊華陽夜半傳

琴去頭白高生跨馬來

阜城題壁屈長一尺高允事

碧油捻具入中殮方物曾聞奉

至尊乞與南人作新樣杏花寒食關江村

景州嫩枝大吏以入

供坡詩佳人歷  
扁金甚似之

乍涉寒流振紫纓禹城雅烏喜同聲引韁還是偏

南是濟上船郎綰柁迎

風止德州曉發時擬  
游跑突泉仍改中路

薺麥風多迫曉寒華筵坐久視香盤故鄉咫尺書

頻到畫鶴堂陰徧牡丹

高唐署  
中留題

不遇王喬死即休吾山何必樹松楸黃初實下千

秋淚却望臨淄作首丘

過東阿子建聞曹丕  
受禪大哭見魏志

石勒曾為廝養卒桓溫堪作帳前兵六梟一博天

難定枉使姦雄笑後生

過莊平和  
沈勝友句

滄洲酒滑碧琉璃小榼分携步步隨笑對馬軍馳

不得緩歸猶及送梅時

得滄酒期至揚  
州餉諸同人

江城無日不埃風園內新紅壓舊紅料是高花易

狼籍儘餘婪尾待衰翁

得書寄西  
軒諸子

御史行中老校書銀臺班上舊緋魚前驅不用呼

排岬只載行春酒一車

將至竟州  
囑南使

一龕皮架疊書函恰趁前人號耽菴送得升天幾

彌勒年年搖膝出燕南

明楊用修以升菴字其所乘轎又前輩  
云士大夫不肯坐出彰義門定卧着出

去因戲  
題之

釐帽樓衣不滿斤雨晴奴子日紛紛馬前已見鳬

山了可怕東風長白雲

次鄒縣微雨

北地敲凌滿進船

正月雄縣即鑿冰候水園

吳檣東望信悠然憑誰

暫放南湖水不借追風七寶鞭

聞湖闌下板舟不得上有寄

岬岬青壓鍾吾國沂水流經鄒子城二十三年真

抹電野橋何處記鈴聲

庚午歲予以使命任吳門有題壁詩忘其落句壬辰二月過界河續成之

賣馬求船劇底忙

放翁句賣馬求船猶少日

短篷乘酒撒紅韁來朝

便遇腰笻子莫漫題詩贈留郎

臺庄得船夜發聞東田璫亭在宿遷候久先馳一詩慰之

雨寒書院小酌王竹村以餅肉相餉即事

戲與元威雲村蓼齋已山璫亭吹萬共



賦索竹村和用東坡集中韻

新城舊城衙鼓動  
邸門麋踐春泥重  
行臺祿料支不前  
園官菜把勞擔送  
今晨鑽火愁雨童  
坐客傳餐來二仲  
禴祭那問東鄰牛  
清齋久輟廬家獲  
一食何殊煦聚淵  
九螯共笑脂藏洞  
不有才王齋脯炊  
幾希區脫求羶種  
拭匕還矜大嚼能  
堆盤早饜諸徒從  
何時晴郊快出游  
小車急辦行追共  
萬想無如飽即休  
三咽亦假饑爲用  
始訝傖翁目睜靈

鵲窠更審癡兒夢

子帶織使校書時諸部院使以科事俱集揚州

白杜鵑雌雄一雙江  
天御得自吳門索題

漫賦四首

怨鳥啼春無惡聲  
隔櫺毛羽望分明  
頻伽隊裏修長命  
鸚鵡巢中感寄生  
竟夕司花搏雪影  
殊方掌食飼雲英  
歸飛正穩千山夢  
可那間關亂早鶯

華陽有筆紀朱提  
杜老嘗聞再拜詩  
毛裏也應憐肉攫  
網羅猶幸冒冰絲  
携歸鶴市春將晚  
行過蠶叢客自知  
昨夜林亭饒月色  
小笈移近向南枝

草本

云似雀鵲殊不類

浴罷銀沙不著泥  
一隻俛啄一隻栖  
難分蜀國雌雄鳳  
漫繪宣和子母雞  
候處筍蝦愁爛賤  
吟成粉

絮失端倪凡禽莫問家何許青壁摩天險絕梯

宋熾

宗睿思殿畫譜獨無杜鵑蜀國鳳見昌谷句

紙閣寥蕭自耐眠惱人常悞子規天誰栽錦帕收  
紅淚笑拍金籠併玉肩長日晝暝青莢雨空城風  
攪綠楊煙太平花鳥紛傳玩斟酌蟲魚仔細箋

書院述事三十韻荅同人見投之作兼寄

前詩局諸君及滙南于宮綺園

南轅不涉江秣駒亦戀楚投鞭入荒庭叢竹欣有  
主平居厭羣臭一官寄餘腐幸脫酒肉場闌入典  
籍罟此地結文緣俛仰熟眉嫵比鄰二三子天矯

簇鱗膺知我別酸醎老眼困針組笠屐數過從廓  
落謝城府相將弄匏卮間一揮燕塵曠放無端倪  
高論窮物祖橫空盤健翻獨力鞭勑弩搜羅極杳  
冥剔剝屏解詁有時隱春燈待月上牆堵哦詩達  
吏舍驚起徧兩廡不審客胡爲逡巡縱奎踞時豪  
侈狂譖犄角自枝柱賣威走羣狐塞穴多倖鼠疇  
起往拯之播禍及轂乳盲瞽踐軋虺暗殘茹奇蠱  
經義與治事枘鑿兩鉏鋤重茵坐堂皇何以荅恩  
詡緬昔京雒舊見面各爾汝朴畧倒瓶罌隨意摘  
瓜苴風簾擲葦葉委巷警寒杵爲歡詎在盛寤寐

今覩縷人生富若貴手足易情窳昨夜荒江雲老  
屋被幽雨我懷寄洲澹庭戶久延佇因誰作漁歌  
把臂話雞黍庶幾近俗情斯須慰羈旅

城西看牡丹四捷句

今年花興赴春遲倏憇餘寒怕辦詩孟季季旬過  
穀雨畫闌纔見醉蠶兒

佯顛做嬾一番風剪紫裁紅特意工來日栢觥付  
閒漢不教狼藉對詩窮

掃垢山旁花獨幽杙船一桁綠楊稠可知國色無  
兼美剛數曹州又亳州

壁上題詩破紫苔花前酌酒更徘徊日斜鶯倦出門去收拾殘香好再來

元威綢菴送牡丹口占代柬

角酒量文帖乞花竹西春老客思家夜來金谷誰爭長塞破寒廳鬪寶車

烘霞錯繡上銀屏偃露敲風要使令七尺光中真醉倒願花長壽祝花靈

推邢亞尹靜無辭隨例煎酸不作詩一捻妖紅三束錦何須越網網西施

無論魏紫與姚黃曲衆牀頭共飲香兩日畫簾閒

不卷老夫可是護花忙

白杜鵑意謂聲似鷓鴣復題二詩正之

窗外催歸第幾聲  
鈔胥詩已徧蕪城  
頻疑謾草圖中見  
笑指薑芽樹上生  
寒乞都官曾作字  
流傳樂府不知名  
南飛莫悞飛奴子  
試遣瑤函叩玉京

身頗

類鵲隔籠山雞引之  
則耿介奮鳴不已

何處啼山雪  
滿身鉤輶愁  
過落花晨自調  
蘆管教黎女並  
坐鵝籠看壁人  
地暖不生銜  
葉智雨昏差  
免撲簾塵荒江  
後夜春歸急  
可送離舟漫綠蘋

巫峽石歌

巫峽石黝且爛周老囊中攜一片狀如猛士剖餘  
肝坐客傳看怕殄手扣之不言沃以酒將母流星  
精神蝟食雷斧鑿空摧霹靂媧皇采煉古所遺廉  
角磨礪用不得或疑白帝前黃帝後灘堆倒決玉  
壘傾風煦日暴幾千載旋渦聚沫之所成胡乃不  
生口竅納靈氣峻嶒骨相搖光晶嗟哉石頑而礪  
礪乃不發礪繫春不舉踵研光何堪日一番抱山  
泣亦徒漣漣請君勿侈山但說峽中事暮陪水可  
敵慧泉江流幾折成巴字灤西村魚復浦艷瀕堆  
前發櫂郎昭君村中負壺女窮猿播木晝長伏月



黑蛇游巨於股誰云陽臺樂不信巫峽苦得失毫  
釐間父子不相顧連繩縛纜篙攢蜂鏤船一觸百  
雜碎撇捩脫手隨飄風安得排八翼叫九閭勅豐  
隆驅巨靈鏟削嶮巖作平地周行萬里歌砥京亦  
不願估盈緡權增歲惟願耳不聞哀號之聲目不  
覩橫亡夭折百姓安樂千億穰如君言亦復癡伯  
禹雖大聖其或猶難之平陂往復據定理患去惕  
出天所持俗聞呼龍有小話米脂魚膏饜犬馬裒  
多益寡古則然黔婁豈合長貧者嗟哉石宜勒箴  
愛君金剪刀鐫作一寸深石上驪珠只三顆勿平

嶮巖平人心

蓼齋餉麻酥筍豆鵝卵題三捷句志謝兼  
索數句為笑

稻花作炒徧甌犧巨勝扶衰祇淖糜誰似殷家出  
新意擣成環玦利詩脾

勻分蔗醬粿晶鹽旨蓄冬餘例并兼衰齒鎮常欺  
脆輒餉絲休唱過街甜

落燈風後罷交孚漫喫經時趁衆雛按月籠蒸三

十顆不知堪遺細君無

明陽羨相月蒸鵝卵三十月尾益  
蒸如數日進一卵力勝鍾乳云

小遊仙十六首

牀夜自如轉盼春風引鄉薦待排驄馬發公車

聞南軒書聲與蔗軒赤霞東田已山分韻

有懷書局諸子

何物能移夏西風破杳冥壺殮當夕美星彩近秋  
靈絮語蟲將老分牀客共醒熒熒燈火外可耐稚  
梧青

桐陰

桐陰復柳影朝夕異涼暄地淨難容帚煙光不在  
疊衣香排几簟葉露灑琴樽此意須誰說王何理

不根

月下熱甚強  
東田說鬼

九夏將殘颼颼風至揚州西院校書偶題  
海雲吹不斷解宇日風涼策策抽新筍行行遶畫  
廊好時無酒伴隨處入詩鄉畧似休禪老長懸結  
夏牀

商丘宋尚書寓近書院往來甚適漫志三  
首且訂平山之遊

幽懷動千里執手復邗城耆舊家山盡江湖宿草  
生詩書徵福澤邸旅被嘉名遮道兒童喜華輶擁  
上卿

韋菴文讌罷無夢入滄浪禪韻亦銷歇風流誰激

昂乞身榮莫逮情話老相將放鴨西陂路

天恩正久長

南禪寺近滄浪亭石枰精舍尚書所築爲盤山開先禪侶駐錫之地

平山半蕪落南向極空青泉味世中淡松風寺外  
聽常餐隨粥飯小具挈瓶瓴顧盼生茶興何時縱  
櫂經

西軒

新竹有涼色入秋多北風晚餐宜病體午晡到衰  
翁挂壁紗衣滿連牀弱席同尋常盤礴慣只在此  
軒中

疾小已偶成

高慢纔收露宇明  
蕉衫初解嫩涼生  
好知清夜無多語  
靜聽西軒打脚聲

病疔諸子日夕撫視  
志感少愈當逐頭細  
書以伸此意

爾汝日相識  
何時返自然  
秋風病滋味  
夜雨話因緣  
惠水一色湛  
離支幾品鮮  
不營虛白觀  
應乏口談元

荔翁之詩自弱冠至今凡屢變變而彌上大約所趨既高其自視益歎乃所作既富其決擇益精不自滿溢何其善也乙酉秋仲儀真使院稍暇取前後諸作錄其愜心者爲若干卷計若干首而欲盡棄其餘余曰嘻是未可盡去也公亦知夫入寶山者乎其始之至之也披砂礫而檢晶熒其繼之得之也輕尺璧而寶尤異吾不謂夫後得之不迥異於從前而安得謂始得者之竟等於砂礫也且公之詩由風華而峭雋由峭雋而精深今則將歸平淡矣安知後此之所得何如不更轉生疑慮並所

謂愜心者而亦去之已乎昔人有言曰只今予所  
舍猶使世堪傳其公之謂與荔翁笑曰有是哉毋  
諛我乃題爲別集而余爲之叙蘄州顧昌



棟亭詩鈔者吾師通政公所作也棟亭刪詩者公手自刊落不欲付梓命小胥鈔錄藏諸篋衍者也公既歿門下士相聚而謀謂此集雖公自視若歉然猶當加於人數等不可終使湮晦因共校刻附詩鈔之後名曰別集所以存公之志也振基竊惟公家世華胄位望通顯顧泊然無他嗜好惟性耽墳籍真有書淫傳癖之目自結髮侍內直暨銜命出使擁旌節二十三年雖當簿領闐咽時或道塗行役未嘗一日暫離卷軸凡經史子集以及山經地志稗官老釋之書靡不流覽雒誦含英咀華以

是發爲詩章徵材奧博取徑窈眇盡有三唐兩宋  
之長而鎔鑄淘汰不名一家然猶矜慎持擇不自  
護惜如此其虛衷若谷可槩見矣且自少時早聞  
名儒緒論遠有指承旣官於南江左賢士大夫及  
縫掖之士凡通聲韻者咸以公爲宗工詰匠趨風  
恐後而公傾心晉接文酒讌酬殆無虛日片詞之  
善必爲弘獎蓋其愛才好士出乎天性故公之歿  
無論識與不識皆咨嗟太息或至于流涕也振基  
昔隨先君得覲司空太夫子旣而侍公函丈有年  
今公子繼任織部又辱世講蓋孔李通門三世於

茲矣故於公集旣成而僭述其大致如此前刻詩  
鈔八卷今刻別集四卷附詞二卷雜文一卷此外  
贈荅之什手書縑素散佚頗多又生平題跋最富  
而尤長於尺牘惜皆無存藁俟網羅蒐輯他日另  
爲續集耳受業郭振基敬題